

上海圖書館珍藏
顧廷龍主編

清代硃卷集成


(二八)



成文出版社有限公司印行

尹耀宗 · · · · · 四三一
孫杰 (原名昌烈) · · · · · 四四九





朱潮

始祖勤慎前明萬曆年間
由山陰白洋本

宗分支遷
居曹娥

高祖聖錫

高祖妣氏任

曾祖廣聞

曾祖妣氏丁

祖武雲

例贈文林郎
晉贈儒林郎翰林

祖妣氏錢

例贈孺人
晉贈安人

父干郎

邑庠生 勅封文林
晉封儒林郎翰林

吉士

字亞韓號海門行一嘉慶丙子年正月十七日吉特

生浙江紹興府會稽縣附監生民籍候選知縣

伯祖武英 宏業 武祥

堂叔啟睿 啟明 啟茂 啟盛

胞叔求邑增授軍功六
品頂戴

胞姑母二長適梁巷梁次適道墟太
學生章履剛公第三子

從堂弟玉佩 敦志 玉振

堂兄敦毅生邑庠 敦良 敦頤 敦恒 敦本 敦孚

敦孝 敦禮 敦悌 敦復俱業

胞弟敦和廣西巡 敦仁早敦敬業

胞姊三長適大善太學生虞廷贊公長
妹次適本村章次適倫塘隣

堂姪修身 修道 修梅 修年 修性俱業 修安

修教俱幼

夏泰

母氏陳景翰公女太學生

胞姪修德業

生應泰公胞妹勅
贈孺人晉贈安人

娶真氏上虞太學生諱
元瑞公長女

嚴侍下

子修型

庭訓

續天選民第百三十三名

正大光明殿覆試二等

纂最盛營學教第百三十三名

會試中式第百三十九名

保和殿覆試三等

殿試二甲第三名

朝考一等第九名

族繁祇載本支

欽點翰林院庶吉士

住紹城五雲門外曹江鎮

會試殊卷 成豐壬子 恩科

中式第二百三十九名朱 潮浙江紹興府會稽縣附監生民籍候選知縣

署試官 日講起居注翰林院侍講學士 實錄館總纂 國史館纂修 聖澤龍 閱

大總裁 內閣學士兼禮部侍郎銜 文淵閣直閣 事稽查中書科事務批本處行走加三級 載批

薦

取

雄深雅健

大總裁兵部右侍郎稽查左翼宗學並級杜批

取

切理饜心

大總裁 戶部右侍郎兼管錢法堂事務 實錄館副總裁 南書房行走加三級 何批

取

沈實高華

大總裁 經筵講官刑部尚書 實錄館總纂 齋批

中

堅疑密栗

本房原批

詮題心精力果無游移語無過

當語後三按切兩賢歸合愚魯

可謂獨開生面風韻亦跌宕多

姿次剛健婀娜三俊逸風華詩

佳經藝典雅策有斷制

○○○○柴也愚參也魯

朱 潮

以愚與魯指兩賢於其相似者分屬之也夫一愚一魯相似也而實不同若柴與參子所爲先分指其失乎嘗謂儒者必先具過人之識過人之才而後有過人之學至識與才不能過人而反遜於人事宜通而常窒行宜疾而常徐則識與才不足恃轉恃有過人之學以充其識而擴其才否則或失於拘或失於緩二者均譏焉何則吾道至正而非迂守經達權本精心以運之而法古不病其泥古故天下重大知焉因應之神神於揆度總不使忠孝懿行無端受蒙昧之名吾道有進而無退由表及裏挾敏質以求之而程

功不難於見功故斯人尙健行焉美富之闕闕於過征必不讓賢
哲先登一已蹈遲迴之咎而特無如其愚何也則柴可念也始聞
於察幾處常遂紕於應變繼蔽於及遠執一無與於用中以視夫
觸類旁通而逢原不竭柴非所望焉靜能生明若人明不逮其靜
煦煦以爲仁雖仁亦愚子子以爲義雖義亦愚而特無如其魯何
也則參可念也理析所未解幾深研慮而始融途涉所未經必待
曲折而後赴以視夫黽皇倍迅而穎悟無窮參非所望焉心能策
力若人力不副其心勤勞以省己惟魯故勞刻苦以守身惟魯故
苦與其穿鑿以妄逞何如留眞摯之情與其躐等以速成何如矢

沉潛之志則性天渾固愚與魯轉愛而可珍廣狹之量視會通識
淺而矜持未化多寡之數視積累姿鈍而竭蹶不遑則本質難誣
愚與魯皆居於不足世祿之子弟其氣象類皆自多英敏莫秉淳
良高氏爲齊望族而柴也淡簪纓勢分之榮不以智見而以愚見
言行之坊表蓋恂然儒生矣然而忠厚可以保家曲謹不可以制
事愚遠於詐愚終近於褊爲宰未能吾所謂難於任使也多聞用
擇多見用識願無棄破愚之方爾曠逸之家風其流弊或至好作
聰明不安樸拙曾氏舊有聞人而參也侍沂水春風之側不以狂
名而以魯名斂約之襟期誠不敢妄託矣然而篤實可以行素紆

緩不可以圖功魯異於柔魯恐同於畫有傳未習吾所爲惜此少年也人一已百人十已千獨賴有治魯之術爾柴也勉乎哉參也勉乎哉

本房加批

以清雄之筆達沈摯之思骨鍊神超氣道味厚方家舉止迥不猶人

○○○○楚國無以爲寶惟善以爲寶

朱 潮

所寶惟善、楚書知本矣、夫寶其所不必寶、則不寶者轉在善矣、楚
得善人而寶之、其言敢以楚而廢諸、嘗謂天地菁英之氣、其獨鍾
者、人受之爲非常之人、其分給者物受之亦爲非常之物、自世主
輕人而重物、悅耳目玩好之器、棄股肱倚畀之材、而遂大違乎造
物篤生之意、譁囂雖美而俊傑不前、國且難治、遑論天下、然則知
內本之旨者、楚書可述也、其言曰、楚雖蕞爾、顧嘗熟審夫國之爲
國矣、自先代爲王者、之師崇德報功、天子以封疆錫命、而久臣周
室、嘗親見拜疇訪範之勤、則溯楚國之有自來、勛相難忘、卽隱動

吉○人○之○慕○迨○後○嗣○得○令○尹○之○佐○毀○家○紆○難○列○邦○之○聘○問○時○通○而○叛○
霸○中○原○尤○復○賴○擇○典○整○軍○之○畧○則○撫○楚○國○之○有○自○大○經○綸○所○寄○敢○
不○加○異○數○之○隆○蓋○國○之○爲○國○善○爲○之○也○楚○豈○有○他○寶○乎○哉○嗜○欲○所○
存○誤○用○則○招○尤○正○用○則○受○益○賁○琛○之○充○於○內○也○就○令○殊○尤○日○積○適○
足○爲○墜○聰○錮○明○之○資○故○彝○鼎○不○足○珍○珍○其○望○隆○於○彝○鼎○者○吾○籲○哲○
后○先○公○而○禱○祀○精○神○所○注○分○致○則○易○泛○專○致○則○彌○誠○異○物○之○陳○於○
前○也○卽○使○聲○價○日○高○亦○不○過○連○城○五○都○而○止○故○圭○璋○不○足○重○重○其○
德○比○於○圭○璋○者○吾○歷○三○湘○七○澤○而○溯○泗○楚○國○無○以○爲○寶○以○爲○寶○者○
惟○善○而○已○矣○金○錫○雖○華○不○能○洗○筆○路○藍○樓○之○陋○惟○善○立○而○氣○象○一○

新以是知寶之不容緩也。白駒繫維曰：嘉客鹿鳴，燕饗曰：嘉賓載
誦。遺編輒想見欽崇之意。楚而寶非所寶，則發靖無人，竊恐章華
之衆挾纊者，難繼耳。權衡於大小之間，而情無他屬，有能讀三墳
五典之籍，登廊廟而貴之，何至卿材遠徙，與杞梓皮革而俱遷？分
器不及，猶是承桃弧棘矢之遺，惟善在而聲威丕振，以是知寶之
非偶然也。君子而莫將承筐，碩人而致淪秉，翟倦懷英俊，每不勝
慨惜之情。楚而寶失，所寶則經猷莫布，尤恐郢郢之庭獻禮者不
至耳。審量於緩急之際，而志與俱疑，不必分內勲外戚之班，懸車
服以榮之。誰云僻陋在夷，擁篲錫璫，現以自固信乎國之爲國善。